

tuæ ubertate præventum, illécebras sæculi superare fecisti & ita nos facias, ejus imitatione, mundi hujus blandimenta vitare, et ad te puris mentibus pervenire : Per.

-DIE XVI. JULII.

IN COMMEMORATIONE B. M. V. DE MONTE CARMELO.

TOTUM DUPLEX.

Omnia, præter Orationem, ut in Nativitate B. Mariæ V., die viij. Septembris, mutato nomine Nativitatis. in nomen Solemnitatis.

Oratio.

DEUS, qui beatissimæ semper Virginis et Genitricis tuæ Mariæ singulari titulo Carméli Ordinem decorasti : concede propitius ut cujus hodie Commemorationem solémni celebramus officio & ejus muniti præsidiiis, ad gaudia sempiterna pervenire mereamur : Qui vivis.

DIE XVII. JULII.

S. ALEXII CONFESSORIS.

TRES LECTIONES.

Oratio.

DEUS, qui beato Alexio Confessori tuo tribuisti ut et nova mundum arte deluderet & et de hoste humani generis mirabiliter triumpharet : concede propitius ut ejus semper muniatur auxiliis & cujus salutiferis erudimur exemplis : Per.

DIE XVIII. JULII.

B. CESLAI CONF. ORD. PRÆD.

DUPLEX.

Oratio.

DEUS, qui beatum Ceslaim, virgineo morum candore præditum, et salutis animarum zelo succensum, in diversis nationum populis operum sanctitate et fidei propagatione mirabilem effecisti : præsta, quæsumus, ut ejus intercessione simus semper in fide stabiles & et ad te, qui solus es æternæ salutis auctor ac largitor, misericordie tuæ munere pervenire valeamus : Per.